

ادبیات عمومی و طبیعی

هفته‌لق سیاسی ، ادبی و علمی غزته‌در .

جلد : ۲

سنه : ۱ ۲۰ رجب ۱۳۳۵ جمعه ایرتسی ۱۲ مایس ۱۹۱۷ نومرو ۲۸

محیط و ترک‌ر


[چارلس داروین] محیط نظریه‌سنی ، یعنی محیطك و شرائط حیاتیةك تحولی ایله حیوان و نبات اجناسك یالکز تغیر دکل ، حتی تبدل ایده‌جکئی توضیح ایتشدی .
ایلك عضویات ذره‌لری ، (مکون نخستین) [پروتوپلازما] ، محیط و شرائطی مساعد بولندیغندن تکامل ایده‌بیلدی . بوموجوداتدن (ا) حرفیله افاده ایده‌جکمز بر مخلوق ابتدائی محیطی مساعد بوله‌رق یوصون ، اوت ، چیچک اولدی . (ب) عنوانلی ذره صولر ایچنده قالدی ، اک بسیط (اشنیه) algae رتبه‌سندن یوقاری‌یه چیقه‌مدی . (ج) ایسه دکرلرک موافق و قوی‌تو بریرنده سونکرلک پایه رفیعی بیله احراز ایله نبات و حیوان آره‌سنده دائر اولدی . (د) ه کلنجه او ، درحال ، حیواناتک سلسله اولیغنده کی اشکاله تمثل ایتدی ، محیط آکا هرشیدن دها مساعددی ؛ هوا ، رطوبت و ییوست ، کونش یاردیم ایتدی ، اقلیمده حادث اولان انتظام و موازنه آنک سریعاً رتبه حیوانیته ترفع ایتمه‌سنه خدمت ایتدی . بوابتدائی ذی‌روح و ذی‌حیات ، صولردن چیقدی ، بطلاقلردن چیقدی ، بتون مراتب حیوانیه‌ی قطع ایله ذات‌الشدیه اولدی . نسناس اولدی ؛ ینه سایه محیطده میستر [چارلس داروین] ایله پروفیسور دوکتور [ارنست هه‌قل] صورتنه منقلب اولدی

محیط ، واهب الاشکالدر . محیط ، اک قوتلی عنصر تکاملدر . محیط ، حیات نباتیه و حیوانیه‌ک نظامیدر . بومبحث موالید ثلثیه ، فن حیواناته ، فن نباتاته عائد اولدیغندن آنی عمیق و عریض تفصیله کیریشمه‌یه جکمز . یالکز شرراسنی اخطار ایده‌لم که بشرده برجنس حیوان و بناء علیه آنک قواعد و قوانین تکاملنه تابع اولدیغندن بواعبار ایله تاریخ عمومینک ماقبلی ، مقدمه‌سی تاریخ طبیعی یعنی موالید ثلثه فنیدر .

تاریخی فنون طبیعی‌دن آیرمامقی صورتیله تدقیق ایدن [ایپولیت تهن] محیط نظریه‌سنی شویله اجمال ایدیور : « انسان ، عالمده منفرد دکلدر ؛ طبیعت و سائر انسانلر آنی محیطدر ؛ عادت اولی و ثابته‌ک اوزرینه عادات ثانیه و عارضه مستولی اولور و احوال طبیعی (فیزیکیه) و اجتماعی بر شیئک بولوندیغنی وضع اصلی‌ی تعدیل و یا اکمال ایدر . بعضاً اجرای حکم ایدن (اقلیم) در .

قطعه سنی بومناظر بدیعیه بی تصویره کافی کورمن . ندیم کبی سویلر . سویلرده یته بتیره ضدی !
کل بختنده غنچه لری یاورولره ، آز آچلمشلی (تازه) لره ، تماماً منکشف اولانلری صاحبه
کمال جمال اولانلره بکزه تیلنجه شومعز چچک ادوار حسنی نه کوزل تنظیر ایده یور ! . بر فرق ایله که
ریاض ارضک بهاری هر سته ، شاهد نازنده نک بهاری ایسه بر کره در . روم ایلی حصار ی

ماهر شوکت



[۳ - ۹ مایس ۱۳۳۳]

انکلیز - فرانسر جبهه سنده بر آبی اول باشلامش اولان تعرضلر دوام ایدیور . گاه فرانسلر
(ثنی) بوینده وشامپانیاده ، گاه انکلیزلر آراس شرقنده ، (سقارب) نهری طرفینده ، مدعش
کله سنک بیله افاده ایده مه یه جکی درجه ده واسع و شدید تعرضلر یاپورلر . فقط بوش ! آلمان
جبهه سی یاریلمادی ، حتی چاتلامادی بیله . اوتده بری ده انکلیزلره فرانسلرک النده کاله بیلن کوچوک
اراضی پارچه لری ده مقابل تعرضلره اللرندن آلیفور .

غرب جبهه حربنک بر قسمنده وقوعه کلن هیندنبورغ حرکت رجیه سنک قازانمش بر هاربه یه
معادل بولندینی آرتق آکلاشلشدرد . شمدی یه قدر یانیلان بالعموم استحضارات بشقه بر طرزده جریان
ایلمش اولدیغندن انکلیز و فرانسر ارکان حربیه سی بتون پلانلریخ ترکه مجبور اولشدرد . بوکارغما اجرا
ایدیلن تعرضلر اسباب عسکریه دن زیاده بر طاقم سیاسی مسائله مستنددر . هرشیدن اول کندی ملنلرینک
جسارتلریخ تقویه لازمدی . هیندنبورغ پلانلرینک ، دشمن هجوملریخ (ثنی) و (آراس) جواری کبی
ایکی جناح نقطه سی اوزرینه چکمک ایسته دیکي ، ضعیفی مطالعه ایله یین بیطرفلره منقدین عسکریه
طرفلرنن پلک جابوق آکلاشلشدرد .

معروف عسکری منقلدن (کک) ، (فورورچ) غزته سنده ، ائتلافک پلانی حقنده دیورکه :
« بتون طواهره نظراً ، انکلیزلرک بومشترک تعرضده تعقیب ایله کاری فایده ، ایکی جناحدن اجرا ایدیلرک
هجوملره آلمان مرکزین اشغال ایلمک ایدی . شرق جناحنده کی انکلیز تعرضی فرانسر هجومندن بدی کونی اول
باشلامشدر . انکلیزلر ، مغرب بر طوطچی آتشیله ، (آراس) قرینده کائن آلمان مواضعی یرله یکسان
ایله دکن صکره رحله ده (دونه) یه طوغری ایلریله جکر و بالعموم آلمان احتیاط قوتلریخ کندی
اوزرلرینه جلب ایده جکلردی . بوشاده ، فرانسلرک (ثنی) اوزرنده کی ۱۶ نیسان هجومی باشلایه جق
وبو صورتله آلمانلرک (شامپانیا) جبهه سی یارلمش اوله حقدی . عظمتی انکار ایدیلر مه یین اشبو
تعرضه ، آرتق عقیم قالمش نظریله باقی لازمدرد .

آلمان ارکان حربیه سی ، مرکز جبهه سنی بر آز کری یه آلق صورتیه ، فرانسر تعرضاتی
توقیفه کافی احتیاط قطعانی قازانمشدی . (آراس) هاربه سنک ، اوچنجی مدعش تعرضدن صکره
بیله انکلیزلر لهنه تبدل ایده مدیکنی صوکه کونلر و قایی اثبات ایلمشدر . آلمانلر ، بر مستحکم خط یرینه
واسع و ناقابل تسخیر بر مدافعه منطقه سی داخلنده ، آرقه آرقیه بر قاچ خط اصولی احداث ایلمشدر .
بویکی اصول مدافعه خطی ، تک مستحکم بر خط کبی یاریله ماز . چونکه یالکز طولنه اوزاعش
اولیوب دشمنی یان آتشی آلتنه آغده دخی مساعددر . »

بومعظم ملحه لره انکلیزلره فرانسلر بر میلیوندن فضله عسکر سوق ایتمشدر . انکلیزلر
طولون موجودی (:) فرقی یعنی ۷۵۰ بیک کشی یی حربه سورمشدر ، فرانسلرده (۵۳)

فرقہ یعنی ۲۵۰ - ۵۰۰ بیک کشیک بر قوتله احراز ظفره چالشمشدر . بوفرقة لرك اکثری نصف ویا ثلث درجه سنده ضایعاته اوغرامش ، صوکره موجودلری اکمال ایدیلرک تکرار میدان حربہ سورولمشردر . انگیزلرله فرانزلرک ضایعاتی ، مایس بدایتنه قدر ، ۳۰۰ بیکدن فضله تخمین اولونیور . بونک ایچوندرکه خصم لری پک زیاده ضعیف دوشمشردر وبرآز دها تعرضه کندیلرنده قوت بولسہلر بیلہ یاقینده نه انسانجه اسراف ایدہجک قوتلری ، نده کوللہجه ومہماجه بول بول صرف ایدہجک موجودلری قالمایہجقدر .

۶ مایس تاریخی آلمان تبلیغ رسمی ، دشمنلریزک انہزامنی قطعی بر شکلده کوستهوهن بر وثیقہدر . شوقرہلری اوقویہلم :

« آلمان ولی عہدی اردولری غروپنہ : فرانزلر (ٹہن) اوزرنده کی جبهہ منہی یارمق اوزره ۱۶ نیسانده اجرا ایتدکلری ایلک تشبثلری عقیم قالدقن صکرہ ، مالک اولدقلری بالجلہ وسائطی استعمال ایتک صورتیلہ ، پک واسع بر نتیجہ استحصالی امیدینہ معطوف ایکنجی بر تعرض حاضر لاشلردی . دوچار ضعف اولمش فرقہلر تازہ قطعات ایلہ تبدیل ایدلمش ، خط حربہ یکی احتیاطلر سوق اولونمش ، نہایت ہرچاپده طولرک اشتراکیلہ شمدی یہ قدر کورولمہمش بر نسبت مدہشہ کسب ایدن طولیجی ولغم آتشی ہرکونی آرمش ایدی .

« مایسک دردنجی کونی (رہنس) ک شمالندہ و (شامپانیا) دہ وقوع بولان تعرضلر ، دون صباح (ٹہلت) ایلہ (قراٹون) آره سنده (۳۵) کیلومترولق بر جبهہ اوزرنده اجراسنہ تشبث ایدیلن یکی یارمہ تشبثک مقدمہ سی ایدی . کیجہ کیچ وقتہ قدر دوام ایدن چتین بر ملحمہ نتیجہ سنده بوتشبتک اوکی آلمشدر . بومعظم تصادم ، ہیئت عمومیہ سی اعتباریلہ دفع و طرد اولونمشدر . قہرمان پیادہ من طرفندن کوکس کوکسہ محاربہلر نتیجہ سنده محافظہ ایدیلن ویاخود مقابل تعرضلر نتیجہ سنده استرداد ایدیلن خطلریزہ قارشى توجیہ اولونان هجوملر ، کمال مہارتلہ اداره اولونان آتشمزک تأثیری آلتندہ قسماً شمدیدن عقیم براقلمشدر .

بو مغلوبیتلرک نتیجہ سی دہاشمدیدن کورولیور . « انسانلری بلا صرحت مذبحہ یہ سوق ایدن » فرانسز باش قوماندانی جنرال (نیوہل) علیہندہ ناخشنودی کورونیور . فرانسز حکومتی ، اجرا ایدہجکی سوء تأثیردن قورقہرق ، نیوہلی آچیقندن آچیغہ عزل ایدہمہدی . سابق (وردون) مدافعی جنرال (پتہن) ی ارکان حربیہ ریاستنہ کتیردی . فرانسز پارلمنتوسی پارلامغہ مہیادر . عدم موفقیت ومدہش انسان صرفیاتی حقندہ شمدیدن تقریرلر ویرلمشدر .

§ دیگر جبهہلردن یالکز ما کدونیا جبهہ سنده نسی بر فعالیت وارہ عثمانلی جبهہلرنده کشف مصادمہلری و اوافق تفک حرکات استحضاریہ اولیور .

§ تحت البحر حربی پک مدہشدر . نیسان ظرفندہ باتیریلان واپورلر بر میلیون طونی تجاوز ایتدیکی رسماً بیلدیریلیور . دها برقاچ آی بویولده دوام ایدیلرہ ائتلافک بوتون چرخى طورور وصال کندیلکندن کلیر . انگلترہدہ شمدیدن ییہجک تعینی تطبیق ایدیلیور . غزتہلر ، آچ قالہجغز ، دیہ فریاد ایدیورلر . (تائیس) و (دہیلی مہیل) غزتہلری ، تحت البحرلہ قارشى چارہ بولونمادیفی تقدیردہ انگیزلرک اوچ آیدہ آچلقدن اولمہلری محقق اولدیغنی یازیورلر . کورولیورکہ آرتق (زمان) بزم متفقمز اولمشدر .